



partii naleraq

11.april 2016

UPA2016/21

Aningaasarsianit akileraarutit pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2016-imeersoq (Soraarerussutisiaqarnissamut aaqqissuussinernut nunani allaniittunut akiliutit akileraaruserneqartarnerat)

Aningaasarsianit akileraarutit inatsisartut inatsisaata allanngortinneqarnissaanik siunnersuut pillugu Partii Naleqqamiit oqaaseqarfingissavarput.

Nunatsinni aningaasaqarnikkut inissisimanerput ukiorpassuarni taamaatut inissisimajuarsimavoq tassalu aningaasarpassuit isiginnaaginnarlugit nunatsinni aniajuartut soqtiginngivillugit ingerlajuarnerput isumaqarpugullu taamatut ingerlanerput tamaanga killeqartariaqalersoq.

Nunattami avataani inunngortut aningaasarsiaat katillugit qiviannaraanniluunniit 2-mia kr.-nit sinneqarput, uffalu nunatsinni suliffissaaleqineq annertugaluaqisoq takusinnaavarput annertoorujussuarmik nunatta avataanersunut aningaasarpassuit akissarsiatut atortarigut.

Tamannalu aamma millisarniartariaqarparput, qularnanngimmammi sulisinnaasut maani ilarpassuisa aningaasat maani uninngasussanngorlugit pilersissinnaagaluaromatigit, tassalu nunaqavissunik atuilluarnikkut sulisoqarnikkullu.

Neriuppugullu suliaq aallartinneqartoq una aallartiffigissagippot, aningaasallu allat aamma aniaannartut isiginnaaginnakkagut ukiorpassuarni nunatta avataanut aniajuartut unitsinniarlugit sulissutigalugit tassa aallartissagigut Nunarpummi naalagaaffinngortinniarlugu sulivugut.

Partii Naleqqamiit isumaqarluinnarpugut nunami maani sulinikkut aningaasat pissarsiat aamma maanga nunamut sunniuteqartumik tuttsitsisoqartarnissa piumasarissallugu pisussissamisoortoq.

Soraarerussutisiassanik katersaqarnermi nunatta avataanut anninneqartussanut akileraarutinik ilanngaassisarnerup atuutsinneqarternissaa isumaqatigaarput.

Nunatsinni sulisut kattuffiit isummammut akerliullutik nalunaaruteqarput isumaqarlutik tamanna ilaasortaminnut pitsaanngitsumik kingunilimmik eqquissasoq, soorunami taamak oqariartuuteqarnerat soqtiginarpoq ilumut taammaattoqassanersoq paasilluassallugu.

Naalakkersuisummi oqariartuitigimmassuk minnerpaamilluunniit sulisunut
kingunerlunnavianngitsoq, sorliit ilumoortumik oqalunnersut paaserusunnarpoq? tassami sulisunut
eqquierlunnissaq pissappat pissusissamisuunngimmat.

Ukiarmi imak-ip Deloitte misissuisimaneranik nalunaarusiaa inatsisartunut agguanneqarnikoq
aninkaasaqarnermut akileraartarnermi ataatsimiitaliami misissorneqassasoq kissaatigaarput.

Kiisalu ilanngullugu soraarnerussutisiassat siusinaartumik akileraarusernerisigut
soraarnerussutisiallip katersaasa uninnganermanni ernaat aamma apparnerinik sunnerneqassanersut,
aammalu katersat ernialersornerinut siunissamilu tigusaqartarnissamut apparsaataassanersut
soqtiginarmat paaserusunnarpoq,

Soraarninngornissamut tamatta katersaqalernissarput soqtiginartunngorlugu maani
aaqqissuussinissat pilerinartunngorlugit eqqarsaatigisariaqalerpagut ilaatigut akileraartarnikkut
ilanngaatit soqtiginarninngorlugit immaqalu aamma katersat annikinnerusumik
akileraaruserneqarsinnaanerat ilanngullugu.

Aaqqissuussinerup kingunissaai tamaasa oqaaseqarfinginngikkaluarlugit aninkaasaqarnermut
akileraartarnermullu ataatsimiitaliami suliarineqarnissaa innersuussutigaarput.

Hans Enoksen